



貓苑



番禺丁

杰仲文

永嘉黃

漢鶴樓

輯

同里陳

杲寅東

校

名物

夫名也物也有宇宙來則皆萌之於無存之於有  
雖萬類之雜出萬事之叢生蓋無物無名無名無  
物形影著於一旦魂魄留於百世資談噓而供楮  
墨又非獨貓為然也茲篇則專為貓資考證焉輯



貓名烏圓格古又名狸奴府韻又美其名曰玉面狸本草集解

日銜蟬表異又優其名曰鼠將清異錄嬌其名曰雪姑清異錄

錄曰女奴采蘭雜志奇其名曰白老稽神錄曰崑崙姐已表異錄

漢按以烏圓為貓相沿久矣考王忘菴題畫貓詩

烏圓炯炯則似專指貓眼而云然也

胡笛灣云清異錄載武宗為穎王時邸園畜禽獸

之可人者以備十玩繪十玩圖鼠將貓

唐張搏好貓皆價值數金有七佳貓皆有命名二東

二白鳳三紫英四怯憤五錦帶六雲團七萬貫記事珠

貓乃小獸之猛者初中國無之釋氏因鼠齧佛經唐三

藏禪師從西方天竺國携歸不受中國之氣爾雅翼

漢按此說玉屑載之且謂貓乃西方遺種夫開闢

之初禽獸即與萬類雜生故五經早有貓字何待

後世釋氏取西域之遺種耶此固謬談不謂爾雅

翼乃亦引用其說

養鳥不如養貓蓋貓有四勝護衣書有功一閑散置之

自便去來不勞提把二餵飼僅魚一味無須蛋米蟲脯

供應三冬牀煖足宜於老人非比鳥遇嚴寒則凍殭矣  
四第世俗嫌其竊食多槌走之然不養則已養不失道

雖賞不竊 韓湘巖與張度西書

漢按陸放翁詩狸奴羶煖夜相親張無盡詩更有

冬裘共足温則煖老一說亦自有本韓名錫胙青

田人嘉慶間以進上通籍官至觀察

納貓法用斗或桶盛以布袋至家討箸一根和貓盛桶

中携回路遇溝缺須填石以過使不過家從吉方歸取

貓拜堂竈及犬畢將箸橫插於土堆上令不在家撒屎

仍使上床睡便不走往 崇正關謬通書

漢按甌人納貓用草代箸量貓尾同其長短插草

於糞堆上祝之勿在家撒屎餘與通書大畧相同

納貓日宜甲子乙丑丙午丙辰壬午庚午壬子庚子天

月德生炁日忌飛廉受死驚走歸忌等日 全上

漢按凡大月初五十七廿九小月初八二十為驚

走日其飛廉諸煞時憲書俱明載可稽茲不復贅

錄

闍貓日淨 臞仙肘後經

貓范

番禺丁仲文孝廉杰云公貓必闔殺其雄氣化剛  
為柔日見肥善時俗又有半闔貓只去內腎一邊  
其雄氣未盡消亡更覺剛柔得中

漢按通書載淨貓宜伏斷日忌刀砧血刃飛廉受  
死血支等煞凡闔貓須於屋外貓負痛自奔回屋  
內否則必外逸從此視內室如畏途矣闔時又須  
將貓頭納入捲簾之口闔畢縱之則從後口奔去  
庶免被齧傷手亦法之良也

古人乞貓必用聘黃山谷詩買魚穿柳聘唧蟬甌俗聘

貓則用鹽醋不知何所取義然陸放翁詩畏鹽迎得小

狸奴其用鹽為聘由來舊矣丁蘭石尺牘

黃香鐵待詔云潮人聘貓以糖一包余從馮默齋

教授乞貓以茶二包為聘紹興人聘貓用苧麻故今有苧麻換貓之諺

余向陶翁蓉軒家聘貓蓋用黃芝蔴大棗豆芽諸

物漢自記

張孟仙刺史云吳音讀鹽為緣故婚嫁以鹽與頭

髮為贈言有緣法俗例相沿雖士大夫亦復因之

今聘貓用鹽蓋亦取有緣之意此說近理錄以存

證又云貓既用聘亦可言嫁因憶年前 余客江西  
 官常中有以嫁貓二字為題徵詩林子晉明府嘗  
 索余賦之此本俗事當用俗語湊拍一篇附錄博  
 粲天生物類知幾許人家養貓如養女出窩便費  
 阿媪心撫護長成期捕鼠九坎長尾更獨胎團雲  
 飛雪毛色開唔唔作威良足愛相攸漸見有人來  
 一旦裹鹽聘娶逼阿媪欲辭苦未得抱持不捨割  
 愛難痛惜只爭淚沾臆柳圈銅鈴綿衣兜先期細  
 意裝點周相送出門再三囑善為喂養毋多尤聘

人唯唯為貓計但願勤能事有濟鼠耗消今當策

勲眠琰食魚應罔替

南康郡博上官篠山豫原評云題甚新雅結有寓意勿以俗事目之

錢唐詩僧出菴有至性密雲和尚開法金粟師在問父  
 母未生前話雲公以手掩面擘開眼曰貓師於是遂醒

悟 全浙詩話

漢按以手掩面分指擘開口眼而喝曰貓今甌俗  
 尚有以此戲幼孩也初不知是何命意今據出菴  
 此節豈真有禪理寓之耶出菴 國初人著有影

菴集選

張孟仙曰楚人以手拳物誘小兒開之則曰貌按

貌獸也性善遁故曰貌言其已遁去耳密雲和尚

之稱其果貓歟如屬空虛之義則貌是也說見俗

語解鎮平黃仲方云貌獸善遁孫吳時拘纓國曾以進獻故吳俗以空拳戲小兒曰貌見談槩

閩浙山中種香菰者多取貓狸挖去雙眼縱叫遍山以

警鼠耗貓既瞎而得食即無所他之晝夜惟有瞎叫而

已王朝清兩憲雜詠

漢按此祛鼠之法雖善未免惡毒亦貓之不幸也

甌人以味不懂事而喜叫囂揮斥者譏之為香菰

山貓兒瞎叫

貓不食蝦蟇狗不食蛙識小錄

貓食鱖則壯食猪肝則肥多食肉湯則壞腸夷門廣牘

貓食薄荷則醉埤雅

胡笛灣知齷云貓以薄荷為酒故葉清逸貓圖贊

云醉薄荷撲蟬蛾主人家奈鼠何

貓食黃魚則癩留青日札

漢按吳越多黃花魚鮮不以其餘飼貓未聞有生

癩者或謂此指黃鰓魚以其得渾泥之氣貓食必  
病今余文竹云寓中有佳貓昨因食黃花魚生癩  
而死是日札之說又尙可信有謂江浙黃花魚俱  
經水過不比粵魚氣味發揚而有毒也是亦近理

文竹名珽輝浙江遂安茂才時偕其所親毛厚甫明府寓於潮郡

貓捕雀蝶蛙蟬而食者非狂則野生虺及蛆

物性纂異

張孟仙云貓食野物則性戾而不馴食鹽物則毛  
脫而癩

陶文伯云貓喜捕雀每伏處瓦坳伺雀躍而前卽

突起撲之百不失一又喜與烏鵲鬪

丁仲文杰嘗分貓爲三等並立美名如純黃者曰

金絲虎曰戛金鐘曰大滴金純白者曰尺玉曰宵

飛練純黑者曰烏雲豹曰嘯鐵花斑者曰吼彩霞

曰滾地錦曰躍玳曰草上霜曰雪地金錢其狸駁

者則有雪地麻笄斑黃粉麻青諸名

鄭荻疇煥永嘉人擬撰貓格以官名別之如小山

君鳴玉侯錦帶君鐵衣將軍麴塵郎金眼都尉

至於雪鬘仙官丹霞子軒燈佛玉佛奴諸稱則



以仙佛名之更饒韻致

漢按貓之別稱在古有極雅者相傳唐貫休有貓名梵虎宋林靈素有貓名吼金鯨金正希有貓名鐵號鐘于敏中有貓名冲霧豹或云吳世璠敗後有三貓為軍校所得頸有懸牌一曰錦衣娘一曰銀睡姑一曰嘯碧烟皆佳種也然余今昔交游如陳鏡帆廣文有貓曰天目貓周藕農合河南時有貓曰一錠墨淳安周爽庭太學有貓曰紫團花泰順董晉庭廷詰有貓名乾紅獅是與遂安朱小阮

之鴛鴦貓蕭山沈心泉之寸寸金先後韻顏焉

貓犬病烏藥一味磨水灌之即愈 花鏡

小貓叫不絕聲陳皮研末塗鼻端即止 古今秘苑

貓被人踏傷蘇木煎湯灌之可療 花鏡

貓癩用蜈蚣焙乾研末與食數次即愈又法桃葉搗爛遍擦其毛少頃洗去又擦自愈治狗癩亦可 行厨集

貓生蝨桃葉與棟樹根搗爛熟湯泡洗蝨皆死樟腦末擦之亦可 行厨集

木貓俗呼鼠涼陳定宇有木貓賦 通俗編

漢按陳賦云惟木貓之爲器兮非有取於象形設  
機械以得鼠兮借貓公而爲名云云

竹貓

黃香鐵待詔云武林舊事載小經紀有竹貓兒當  
是竹器用以擒鼠者又有貓窩貓魚賣貓兒改貓  
犬貓窩當是貓所寢處者今京師隆冬所着皮鞋  
亦名貓兒窩又崇禎初年宮眷每繡獸頭於鞋上  
呼爲貓頭鞋識者謂貓旄也兵象也見崇貞宮詞

鐵貓船棹也貓或作錨

焦竑俗書刊誤

漢按船棹粵人呼爲鐵狶蓋狶亦貓類也

又按另鐵貓三事已類列上卷靈異門

金貓

臨安尹鑄以償秦檜女獅貓詳見後故事門

火貓甌中田野人家冬日悉搏土爲器開口納火其背  
穹背上多挖小孔以升火氣名曰火貓男婦老少各以

禦寒

王朝清雨窓雜錄

泥貓

陳堃陔云杭州人每於五月朔半山看競渡必向

娘娘廟市泥貓而歸不知何所取義貓為泥塑塗以彩色大小不等

吳杏林云養蠶人家多買以禳鼠

紙貓

張湘生成晉云堅瓠集有紙貓詩

漢按器物以貓命名者又有貓枕楊誠齋詩貓枕

桃笙苦竹床

禽之屬有名貓頭鳥即鴉也鴉或作梟一名鵬巴蜀異物志

潮州有鳥叫聲如貓人呼為貓頭鳥與浙中所謂

逐魂稱貓頭鳥者其聲不同或謂此即鵬也漢自記

獸之屬有名水貓即獺也李元蠕範

蟲之屬有名棗貓生棗樹上棗熟則食之本草綱目

蔬之屬有貓頭笋黃山谷集又有狸頭瓜郭義恭廣志

漢按黃香鐵待詔詩貓頭鴨脚堪留客又按筍又名綿貓見陸璣詩疏

又按蘇東坡謝惠貓兒頭筍詩云長沙一日煨鞭

筍鸚鵡洲前人未知走送煩君助湯餅貓頭笑兀

想穿籬

又按贊寧竹譜云竹根有鼠大如貓其色類竹名竹豚

蔬之屬又有狸豆 本草○崔豹古今注狸豆一名狸沙

藥之屬有斑貓 本草

又狗骨一名貓兒刺以其象形也 全上

漢按鳥之類亦有稱斑貓者山海經北囂之山有

鳥名鷲鷓一名斑貓又莎雞黑身赤頭似斑貓亦

見陸璣詩疏

草之屬有名貓毛出鎮平縣

黃香鐵行詔鄉園詩草茵拾貓毛 讀白華草堂詩集

外夷有國名合貓里船人語云若要富須尋貓里務尤

悔菴外國竹枝詞網巾礁上蕩漁舟亦有山田十斛收

要富須尋貓里務貧兒何用執鞭求 龍威秘書

漢按地名以貓稱者呂宋國小島有名貓霧烟此

家香鐵待詔述播州有獠人洞名木貓見元史郭

昂傳欽州入安南路有貓兒港見詞翰法程桂林

府北門外有貓兒門見廣西通志杭州城內有貓

兒橋見杭州府志廣東大埔縣有貓兒渡見潮州

府志 雁蕩山峯有名望天貓表子才詩云仙鼠飛上天此貓心不許意欲往捨之望天如作語

永嘉陳寅東巡尹 果曰凡以貓命名者固不一而

足山則有貓兒嶺貓兒巖貓兒洞水則貓兒港貓

兒瀆此等小地名隨在皆有至於雜物則貓兒燈

貓兒窗貓兒褲之外為小兒戲耍者乃有泥塑貓

木雕貓紙糊貓而姑蘇印畫店有貓拖繡鞋圖而

磁器店又有貓形溺瓶也 臺灣諸羅有貓羅貓霧二山見藍鹿洲東征集

道士李勝之嘗畫捕蝶貓兒圖以譏世 陸放翁詩注

漢按陸放翁詩魚餐雖薄真無媿不向花間捕蝶

忙又按宣和畫譜載李藹之華陰人善畫貓今御

府所藏有戲貓雛貓及醉貓小貓薑貓等圖凡十

有八此李藹之或即李勝之歟而宣和譜又載何

尊師以畫貓專門嘗謂貓似虎獨耳大眼黃不同

惜乎尊師不充之以為虎止工於貓殆寓此以游

戲耶又載滕昌祐有芙蓉貓兒圖又王凝為鸚鵡

及獅貓等圖不惟形象之似亦兼取其富貴態度

蓋自是一格宋人又有正午牡丹圖不知誰畫見

埤雅禹之鼎有摹元大長公主抱白貓圖今藏吳

小亭 秉權家小亭云畫中公主長身其貓純白如雪惟眼赤色近世所傳又有貓蝶圖蓋取髦髦之意用以祝嘏耳曾衍東有自題畫貓云老夫亦有貓兒意不敢人前叫一聲若有戒於言也曾山東人令湖北嘉慶間緣事流戍温州工詩畫自號七道士又稱曾七如

明李孔修字子長順德人畫貓絕工公卿以箋素求之輒不可得嘗負樵薪錢畫一貓與之樵者怏怏中途人

一得之已而樵者復以薪求畫笑而不應

廣東通志

黃香鐵待詔云何尊師善畫貓所畫有寢者有覺者展膊者戲聚者皆造於妙其毛色張舉體態馴擾尤可賞愛

胡笛灣知齋云考墨客揮犀歐陽公嘗得一古畫牡丹叢其下有一貓永叔未知其精妙丞相正肅吳公一見曰此正午牡丹也何以明之其花枝咳而色燥此日中時花也貓眼黑睛如線此正午貓眼也有帶露花則房斂而色澤貓眼早暮則睛圓正午則如一線耳此亦善求古人之意者也

鄭荻疇娘云昔有畫家高手嘗畫一貓橫卧屋背

上形神逼肖無不誇讚一客見之云佳則佳矣惜

猶有可貶處以為貓縱長不過尺餘此貓橫卧瓦

上乃過六七行是其病也於是人服其精識

張槐亭集云古今來以貓命名諒不乏人然而羣

書鮮有載者若以狸命名者左傳則有季狸亦見

羣輔錄魏道武小字佛狸見北史

陶文伯云丹朱姓狸見閻若璩四書釋地

丁仲文云逸詩有狸首篇見儀禮古歌有狸首見

檀弓至左傳有狸製蓋黃狸皮也周禮有狸步以

量侯道者也又狸席媿好上皇后賀儀有綠毛狸

席見飛燕外傳此皆云狸而非云貓也

陶潔甫上廉云曲沃尉孫緇家奴稱野狸奴見戴

君宇廣異記浙江慈谿縣道光初年冤獄有民女名阿貓見刑部例案

技術有名相聲者作貓犬叫其聲似肖若鸚鵡秦吉了

及百靈亦皆能作貓犬聲偶聞卒莫之辨仁和姜愚泉片識

漢按相聲俗作像聲即所謂隔壁戲也秦吉了粵

人呼為遼哥了赤雅作鷓

清明日歐人小兒及貓犬皆戴以楊柳圈此亦風俗之備  
宋聯芝賦中紀俗詩注

漢按貓繫俗緣故俗之牽率夫貓者甚多如諺云  
人幹事不乾淨者稱為貓兒頭生活見留青日札  
作事不全則譏為三脚貓張明善曲三脚貓渭水  
飛熊見輟耕錄家香鐵待詔云吾鄉開標場賭標  
者每四字作一句其十二字分作三句者名曰三  
脚貓華潤庭云吳俗呼乞養子為野貓謂人矯詐  
為賴貓書拳勇者為三脚貓

又按偷食貓兒改不得見雜纂二續那箇貓兒不  
喫腥見元曲選依樣畫貓兒寒貓不捉鼠並見五  
燈會凡貓頭公事貓口裏挖食貓哭老鼠假慈悲

俱見談概及莊岳委談

俗傳笑話謂一日者鼠見貓頭懸念珠舉以是已歸

佛必然慈悲吾輩可以無恐然而未可深信先令  
小鼠過之貓伏不動次令中鼠過之亦不動大鼠  
信其無他最後過之貓忽突起擒而斃之羣  
鼠於是抱頭竄去曰此假慈悲此假慈悲

又如通俗編所載猪來貧狗來富貓來開質庫又  
狗來富貓來貴猪來王災悔至朝餒貓夜餒狗此  
又見於月令廣義世俗又以捕役與偷兒混處稱



爲貓鼠同眠此四字見唐書游獵又有貓哥狗弟  
之語以貓當狗而狗多疑易避去故貓本有兄  
貓之入心亦傳會之說至於貓鼠入心非貓鼠害  
也物性所趨而然也俗文以鼠食貓肉者稱  
爲貓鼠相食小器稱爲貓鼠相若少年勇在則  
云新出貓鼠強如虎夫謂雖鄙俚皆有義理故古  
今傳誦不替若紅樓夢所稱鑽熬炕的燒毛小凍  
貓于此則滿洲人之口腔也

漢又按貓不列於六畜而貓犬連稱殆亦不少如  
狗來富貓來貴朝餵貓夜餵狗以及貓哥狗弟之  
外卽歐俗清明貓犬戴柳圈皆屬連類所及又俗  
諺六月六貓狗浴家香鐵消暑詩家家貓狗浴從  
窺又無名氏碩鼠傳云今是獲不犬不貓又數九  
歌六九五十四貓狗尋陰地至於五代盧延讓應  
舉詩餓貓臨鼠穴饑犬舐魚砧見賞主司遂獲登  
第人謂得貓犬之力此則尤其顯焉者也  
華潤庭云貓雖不列於六畜然性馴良者能解人  
意所以得人愛護者亦物性有以致之耳

余好食魚客有譏之云聞君紀載貓典可知馮驩  
爲貓之後身乎問何以見之曰於其彈鋏見之余  
曰然余固馮驩之後身也其知焉否相與啞然自記  
故事

人物相因緣則事端生焉歷劫不磨遂成掌故貓  
之繫於人事亦多矣語云前事不忘君子取鑑於  
古異聞足錄學者結繩於今吾故用是孜孜焉輯  
故事

孔子鼓琴閔子聞之以告曾子嚮也夫子之音清澈以  
和今也更爲幽沈之聲何感至斯乎入而問焉孔子曰  
然嚮見貓方捕鼠欲其得之故爲之音也孔叢子

連山張大夫搏好養貓衆色備有皆自製佳名每視事  
退至中門數十頭曳尾延頸盤接而入常以綠紗爲帷  
聚貓於內以爲戲或謂搏是貓精南部新書

武后有貓使習與鸚鵡並處出示百官傳觀未遍貓飢  
搏鸚鵡食之后大慙唐書

武后殺王皇后及蕭良娣蕭詈曰願武爲鼠我爲貓生  
生世世扼其喉后乃詔六宮毋畜貓舊唐書

貓別名天子妃見鶴林玉露蓋蕭妃被殺臨死有  
我願爲貓武爲鼠之語故有是稱

梁紹壬秋  
雨盦筆記

盧樞爲建州刺史嘗望月中庭見七八白衣人曰今夕  
甚樂但白老將至奈何頃臾突入陰溝中遂不見後數  
日罷郡歸家有貓名白老於堂西階地下獲鼠七八頭

稽神  
錄

元和初上都惡少李和子常攘狗及貓食之一日遇紫  
衣吏二人追之謂貓犬四百六十頭論訴事和子驚懼  
邀入旂亭以酒酬鬼求爲方便二鬼曰君辦錢四十萬

爲假三年命和子遽歸貨衣具鑿楮焚之見二鬼挈其  
錢去及三日和子卒鬼言三年蓋人間三日也

段成式  
支諾臯

薛季昶夢貓伏卧堂限上頭向外以問占者張猷猷曰  
貓者爪牙也伏門限者閫外之事君必知軍馬之要果

除桂州都督嶺南招討使

朝野僉載

貞元時范陽盧頊家錢唐有一婦人不知何來直詣其  
婢小金所自言姓朱時來去一日天寒小金爇火婦人  
至怒踏其火卽滅並以手批小金後數日婦人至抱一  
物如狸狀尖嘴捲尾紋斑如虎謂小金曰何不食我貓

兒復批之云是野狸 唐張泌尸媼傳

裴寬子諤好詼諧為河南尹有婦人投狀爭貓兒狀云

若是兒貓卽是兒貓若不是兒貓卽不是兒貓諤大笑

判云兒貓不識主傍我捉老鼠兩家不須爭將來與裴

諤遂納其貓兩家皆晒之 開元傳信記

稽神錄建康有賣醋人某畜一貓甚俊健辛亥歲六月

貓死不忍棄置之座側數日腐且臭不得已携棄秦淮

河既入水貓活某自下水救之遂溺死而貓登岸走金

烏鋪吏獲之縛置鋪中出白官司將以其貓為證既還

則已斷其索留壁而去矣竟不復見 太平廣記

聞竒錄進士歸糸暑月與一小孩兒於廳中寢忽有一

貓大叫恐驚孩子使僕以枕擊之貓偶中枕而斃孩子

應時作貓聲數日而殞 太平廣記

平陵城中有一貓常帶金鎖有錢飛若蛺蝶土人往往

見之 酉陽雜俎

龍朔元年涪城鼠貓同處鼠象竊盜貓職捕齧反與同

處廢職容奸 新唐書五行志一本作涪州

隴右節度使朱泚於軍士趙貴家得貓鼠同乳不相害

籠而獻之宰相常袞率羣臣賀崔祐甫曰可吊不可賀  
因獻貓鼠議

唐書代宗紀

漢按崔祐甫貓鼠議曰禮記郊特牲篇曰迎貓爲其食田鼠也貓之食鼠載在禮經以其除害利人雖微必錄今此貓對鼠不食仁則仁矣無乃失其性乎何異法吏不觸邪疆吏不捍敵以若稱慶殆所未詳恐須申命憲司察聽貪吏戒諸邊堠毋失徼巡貓能致功鼠不爲害

聞竒錄李昭嘏當應進士試之先主司晝寢見一卷在枕前乃昭嘏名令送還架上復寢有一大鼠啣嘏卷送枕前如此再三來春嘏遂獲及第因詢之乃知其家三世不養貓蓋鼠報也

太平廣記

寶應中有李氏子家於洛陽其世以不殺故家未嘗畜貓所以宥鼠之死也迨其孫亦能世祖父意嘗一日李氏大集其親友會食於堂旣坐而門外有數百鼠俱人立以前足相鼓如甚喜狀家人驚異告於李氏親友乃空其堂縱觀之人去盡堂忽摧圯其家無一傷者堂旣摧鼠亦去悲夫鼠固微物也尙能識恩而知報如此而

况人乎

宣室志

永州有人以生年值子鼠為子神因愛鼠不畜貓倉廩

庖厨悉以恣鼠不問由是室無完器施無完衣

柳宗元文集

李義府柔而害物人稱李貓

唐書

華潤庭云李貓韻府作人貓

李迥秀所居犬乳隣貓中宗以為孝感旌其門

白孔六帖

余在輦轂見揭小榜曰虞大博宅失一貓色白名雪姑

清異錄

江南李後主子岐王方六歲戲佛前有大琉璃瓶為貓

所觸割然墜地因驚得疾而死詔徐鉉為誌其弟錯謂

鉉曰此文雖不必引貓事但故實頗記否鉉疏二十事

錯曰適已憶七十餘事鉉曰楚金大能記憶明日又言

夜來復得數事

邵思野說

居士李巍求道雪竇山中畦蔬自供有問巍曰日進何

味答曰鍊鶴一羹醉貓三瓶

清異錄

郭忠恕逢人無貴賤但口稱貓

蘇東坡郭忠恕畫贊

漢按陸游詩偶爾作官羞問馬頹然對客但稱貓

江鈍翁詩呼我不妨頻應馬逢人何敢遽稱貓見

葛翼甫夢航雜說

放翁又有彩貓儻上菊初黃之句時亦呼貓如恕先今宋芷灣詩

王笠舫行梅詩藤墩义手懶稱貓見綠雪堂詩集

龔冕仲自言其祖紀與族人同應進士舉其家衆妖競作乃召女巫徐姥治之有一貓卧爐側家人指謂巫曰吾家百物皆爲異不爲異者獨此貓耳於是貓亦人立拱手而言曰不敢姥大驚數日二人捉音並至續墨客揮犀蘇東坡奏疏云養貓以捕鼠不以無鼠而養不捕之貓余謂不捕鼠猶可也不捕鼠而捕雞則甚矣疾視正人必欲盡擊之非捕雞乎鶴林玉露

慶元中鄱陽民家一貓帶數十鼠行止食息皆同如母

子相哺

文獻通考

秦檜小女名童夫人愛一獅貓忽亡之立限命臨安府

訪求凡獅貓悉捕至而皆非也乃賂入宅老卒詢其狀

圖百本於茶肆張之後嬖人所懇乃已

老學菴筆記

漢按西湖志餘作秦檜女孫封崇國夫人其亡去獅貓後府尹曹泳因嬖人以金貓賂懇乃已

宋有盧仙姑者指貓而問蔡京曰識之否此章惇也意

蓋諷京

淵鑿類函

萬壽寺有彬師者善謔嘗對客貓居其旁彬日雞有五

德此貓亦有之見鼠不捕仁也鼠奪其食而讓之義也

客至設饌則出禮也藏物雖密能竊食之智也冬必入

竈信也客為絕倒揮塵新談○按蔡元放批列國志引用此節以宋襄公之仁義全類斯貓

道州狗子無佛性也勝貓兒十萬倍指月錄

佛法工夫舉起話頭時要歷歷明明如貓捕鼠貓捕鼠

睜開兩眼四脚撐撐只要掣得鼠到口始得縱有雞犬

在旁俱不暇顧參禪亦復如是若纔有別念非但鼠不

能得兼走却貓兒禪宗直指石氏傳家寶

宋紹興中全樹寺僧養貓犬各一甚靈僕遇劫盜被殺

犬能隨嗥咬忝卒使盜獲伏法寺僧死貓為守屍數日

不為鼠壞續太平廣記

大德十年杭州路陳言有等結交官府遇公事無問大

小悉投奔囑託關節俗號貓兒頭元典章

景泰初西番貢一貓道經陝西莊浪驛或問貓何異而

上供使臣請試之乃以鐵籠罩貓納於空室明日起視

有數十鼠伏死籠外云此貓所在雖數里之外鼠皆來

伏死蓋貓中之王也續已編金見華彙考



漢按葉觀海蠡譚未刻編乾隆五十八年琉球國  
進貢有篆黃貓一頭云貓之所在三十里外無鼠  
據此則視景泰貓王其神異處奚啻倍蓰張孟仙  
云溫郡顏姓有貓神於祛鼠凡鼠在屋上貓一呼  
聲則鼠輒落地其家甚寶之人乞不與後竟被竊  
失去

姚百徵云近潘少城明府由鎮平携至普寧一貓  
所謂烏雲蓋雪者也鼠行樑間能於平地騰攫而  
得之亦貓之矯捷罕睹者

